

**II. ATALA****BIZKAIKO LURRALDE HISTORIKOKO TOKI ADMINISTRAZIOA****Getxoko Kultur Etxea Tokiko Erakunde Autonomoa**

«Ramiro Pinilla» eleberri laburren lehiaketaren 5. edizioa arautzen duten oinarriak.

1. Xedea

Kultur Etxeak publiko egin ditu «Ramiro Pinilla» eleberri laburren lehiaketaren bosgarren edizioaren deialdia eta hura arautzen duten oinarriak, idazle getxoztarraren memoria mantentzeko asmoz.

2. Baldintzak

Lanak originalak eta zorrozki argitaragabeak izan behar dute, edozein dela bere formatua (Internet barne), bere osotasunean zein partzialki eta ezingo dute aurreko lehiaketetan saririk jaso izan. Euskal Autonomia Erkidegoko bi hizkuntza ofizialetako edozeinetan idatzita egon daitezke (euskara eta gaztelania).

Baldintza horiek betetzen ez badira, idazlana automatikoki deskalifikatuko da.

Horiek aurkeztu eta gero beste edozein lehiaketatan sariren bat jasoko balu, Kultur Etxeari jakinarazi beharko zaio, hautagaitza erretira dezan.

Eleberriaren autoreak bermatuko du aurkeztutako lanaren egiletza, originaltasuna eta hura argitaratzeko eskubideek ez dutela konpromisorik hirugarrenekin.

3. Hautagaiak

Sari horren hautagai izan ahalko dute bizirik dauden eta egoitza Espainian duten pertsonak, edozein dela ere haien nazionalitatea.

4. Dotazioa

Lehiaketako sariak honako hau hartuko du barne: 6.000 euroko saria hizkuntza bakoitzeko lan bakarrarentzat, orogarrri bat eta Alkatetzak emandako egiaztigiri bat. Obra argitaratzen bada balitz Kultur Etxeak zenbait ale erosiko ditu, gehienez ere 1.000 euroko diru-kopuruan. Saria ordaintzeko kostua Kultur Etxea erakunde autonomoak hartuko du bere gain.

Aipatutakoari horren ordainketari dagokion % 19ko deskontua egingo zaio, PFEZaren atxikipen gisa, indarrean dagoen araudia betetze aldera.

5. Eskaerak aurkezteko epea eta lekua

Lanak eskura edo posta bidez aurkeztu ahalko dira, Getxoko Kultur Etxeko Erregistro Orokorrean (helbidea: Muxikebarri eraikina, Basagoiti etorbidea 77, Getxo, 48991), Getxoko Udaleko Herritarren Arreta Bulegoan zein Administrazio Publikoen Administrazio Prozedura Erkideari buruzko 39/2015 Legearen 16.4 artikuluan aurreikusten duen beste edozein lekutan. Posta bitartez bidalitako eskaeretan proiektuak duen zigilu marka izango da ezarritako epeen barruan aurkeztu diren lekuko.

Aipatutako legeak aurreikusten duen bezala, Getxoko Udaleko Administrazio Elektronikokoaren Bulegoaren (AEB) bidez ere aurkeztu ahal izango dira (www.getxo.eus). Horretarako, www.getxo.eus/ramiopinilla web orrian eta hurrengo ataletan zehazten diren jarraibideei jarraituko zaie.

Hautagaitzak aurkezteko epea 2022ko otsailaren 18an amaituko da.

Informazioa Udaleko webgunean egongo da eskuragarri (www.getxo.eus/ramiopinilla), eta oinarriak Bizkaiko Aldizkari Ofizialean argitaratuko dira. Argitaratze hori Diru Laguntzen Datu Base Nazionalaren bidez egingo da.

Eskaerak adierazitako epetik kanpo aurkeztzen badira, ezetsi egingo dira. Horrez gain, izapide gehiagorik gabe artxibatuko dira.

**6. Luzera**

Luzera 80 eta 120 orrialde artekoa izango da, DIN A4 tamainakoak, Arial letra tipoa, 12 tamainakoa, lerroarte bikoitza, 3 cm-ko alboko marjinak, eta goiko eta beheko marjinak 2,5 cm-koak. Orrialdeak lanaren lehenengo orrialdetik hasiko dira zenbatzen; eta bertan obraren izenburua ere agertu beharko da. Kopia bakarra bidaliko da, PDF formatuan.

Ez badira baldintza horiek betetzen, lana automatikoki baztertuko da.

7. Aurkeztu beharreko dokumentazioa

— *Posta bidez edo aurrez aurre:*

Eskaera-inprimakia (1. Eranskina) aurkeztuko da, behar bezala beteta, itxitako gutun-azal batean sartuta, eta kanpoko aldean obraren izenburua agertu beharko da.

Gutun-azal itxi honekin batera obra aurkeztuko da, PDF formatuan, CD, DVD edo pendrive batean grabatuta. PDF fitxategi honen izena obraren izenburua izango da, beren-beregi.

— *Administrazio Elektronikoaren Bulegoaren (AEB) bidez (www.getxo.eus)*

www.getxo.eus/ramiopinilla webgunean bide horren bidez aurkeztea errazteko jarraibideak jasotzen dira, baita 1. Eranskina ere.

2 PDF fitxategi aurkeztuko dira: eleberria bera eta eskaera-inprimakia (1. Eranskina), behar bezala beteta. «Deskribapena» atalean, aurkezten den eleberriaren izenburua jarri beharko da.

Aurkeztutako lanean izenburua edo lema bakarrik agertuko da; ezin da agertu idazlanaren egileak eman dezakeen izenik, izengoitirik, posta elektronikorik edo bestelako daturik. Ezta PDF fitxategiaren metadatueta ere.

Lehiaketatik kanpo geratuko dira oinarri hauetan ezarritakoari jarraitzen ez dioten lanak.

8. Sariak emateko erregimena eta epaimahaia

Sariak emango dira norgehiagoka sistemaren bidez. Hau da, epaimahai bat eratu da, eta hark konparatu egingo ditu aurkeztutako lanak, haien arteko hurrenkera bat ezartzeko, jarraian zehaztutako irizpide batzuei jarraikiz. Puntu gehien lortu dituztenei proposatuko dizkiete sariak.

Epaimahaiak Irakurketa Batzorde baten laguntza izango du. Batzorde hori literatura-ren munduarekin zerikusia duten lanetan ari diren edo lan horiek egin dituzten pertsonen osatuko dute, eta Kultura Gelaren bermea izango du. Batzorde horrek aurkeztutako lanen aurretiko hautaketa bat egingo du Epaimahaiarentzat adierazitako irizpideetan oinarrituta, eta oinarrietan obrari buruz ezarritako baldintzak betetzen direla egiaztatuko du. Irakurketa Batzordeak otsailaren 18ko 4/2005 Legearen, Emakumeen eta Gizonen berdintasunerakoarena, 3.7 artikuluan xedatutakoa beteko du.

Epaimahaiak ebatzi ahal izango ditu oinarri hauetan ezarri gabeko gaiak ere.

Saria emateko ebazpen proposamena egingo da, honako irizpideetan oinarrituta:

Balorazio irizpideak	Gehieneko puntuazioa: 10 puntu
1. Obraren sormen kalitatea, irizpide kontzeptualak, kritikoak eta obraren produktzioak kontuan izanik	4 puntu, gehienez ere
2. Lanaren berezitasuna, bikaintasuna eta originaltasuna	3 puntu, gehienez ere
3. Lanaren eite formala	3 puntu, gehienez ere

Epaimahaia osatuko dute letren munduko hiru pertsona entzutetsuk, eta abuztuaren amaieran bilduko dira. Hura nork osatzen duten publiko egingo da erabakia jakinarazten den unean. Erabakia apelaezina izango da, eta, hala erabakitzen badu, bi kategorieta-



ko sarietako edozein eman gabe utz dezake. Haien deliberamenduak sekretuak izango dira. Ebazpena artistei jakinaraziko zaie irailaren 5a baino lehen, eta publiko egingo da irailaren 13aren inguruan, Ramiro Pinillaren urteurrenean.

Epaimahaia osatzean otsailaren 18ko 4/2005 Legearen, Emakumeen eta Gizonen berdintasunerakoarena, 3.7 artikuluan xedatutakoa beteko da.

Epaimahaiko kideetako bakoitzarentzat 600 euroko dieta finkatu da. Irakurketa Batzordearen kide guztientzat 1.000 euroko dieta ezartzen da, izendatu beharreko kideen artean banatuko dena. Horren ordainketari dagokion deskontua egingo zaio, PFEZaren atxikipen gisa, indarrean dagoen araudia betetze aldera.

Sari hori bateragarria izango da, hala badagokio, gerora beste administrazio batzuek, erakunde publiko edo pribatuek, nazionalak edo nazioartekoek, obra berarentzat emandako sariekin.

Saritu gabeko originalak eta gainontzeko dokumentazioa Kultur Etxean jaso ahal izango dira 2022ko urriaren 31 baino lehen.

9. Hautatutako lanen titularren betebeharrak

Saria jaso eta gero editatutako lan guztietan eta egindako agerraldi publiko guztietan adierazi egin beharko da sari hau, Kultur Etxeko laguntza jaso dela, eta Kultur Etxeko eta Getxoko Udaleko logotipoek agertu egin beharko dute.

Kultur Etxeak eskubidea dauka hautatutako lanak argitaratzeko paperean edota digitaalari —osorik edo partzialki—.

Sarituak iragarri aurretik, Getxoko Udaleko ordezkari bat harremanetan jarriko da sarituekin. Saria emateko baldintza da sari banaketaren ekitaldira agertzea, betebeharrak hori beste inoren esku utzi gabe. Ekitaldi hori irailaren 13aren inguruan egingo da, Ramiro Pinillaren jaiotzaren urteurrenaren inguruan.

Deialdi honetara aurkeztean, oinarri hauek oso-osorik onartzen dira.

10. Erregimen juridikoa

Ebazpen honetan aurreikusi gabeko alderdi guztietarako aplikagarriak izango dira azaroaren 17ko 38/2003 Legea, Diru Laguntzei buruzko Lege Orokorra; urriaren 1eko 39/2015 Legea, Administrazio Publikoen Administrazio. Prozedura Erkidearena; urriaren 1eko 40/2015 Legea, Sektore Publikoaren Araubide Juridikoarena; eta beste edozein arauetako xedapen, haren izaeragatik aplikagarri izan daitekeena.

11. Ebazpena eta ordainketa

Oinarri zehatz hauetan jasotako laguntzak emateko instrukzio organismoa izango da Kultur Etxeko administrazio unitatea.

Ebazteko organo eskuduna izango da erakundearen presidentea, 7. puntuari aipatutako epaimahaia proposatuta.

I Eranskina: Getxoko Udaletxeko webgunean publikatua.

Getxon, 2021eko urriaren 20an. —Getxoko Kultur Etxeko Presidentea, Irantzu Uriarte Gómez